



**REPUBLIKA E SHQIPËRISË**  
**MINISTRIA E INFRASTRUKTURËS DHE ENERGJISË**  
**"PORTI DETAR" Vlorë sh.a.**  
**DREJTORI**

**Lënda :** Dërgohet Statuti i përmirësuar me ndryshimet përkatëse i "Porti Detar" Vlorë sh.a. për miratim nga ana juaj.

**Drejtuar :** Drejtorisë së Administrimit të Pronës Shtetërore  
Drejtoria e Përgjithshme e Pronës Publike  
Ministria e Financave dhe Ekonomisë

**TIRANË**

Të nderuar zotërinj !

Në përgjigje të shkresës suaj me Nr.4270 Prot. datë 28.02.2018 si dhe bazuar në nenet 230, 231 të Ligjit Nr.9901, datë 14.04.2008 "Për Tregtarët dhe shoqëritë tregtare" i ndryshuar, neneve 28, 36 dhe 43 të Ligjit Nr. 9723, datë 03.05.2007 "Për Qendrën Kombëtare të Regjistrimit" i ndryshuar si dhe detyrave të lëna nga Komisioni i Auditimit të Brendshëm në Raportin Final të Auditimit si dhe grupit të audituesve të KLSH të kryer për veprimtarinë e punës në shoqërinë tonë, bashkëlidhur po ju dërgojmë për miratim Statutin e përmirësuar të "Porti Detar" Vlorë sh.a.

Në këtë Statut janë bërë ndryshimet dhe përmirësimet e nevojshme për sa i përket përshtatjes së tij me Ligjin Nr.9901, datë 14.04.2008 "Për Tregtarët dhe shoqëritë tregtare", emërtimin, adresën, kapitalin themeltar, numrin e aksioneve dhe përqindjen e tyre, organet e administrimit dhe drejtimit të shoqërisë.

Kërkohej miratimi i këtyre ndryshimeve me qëllim regjistrimin dhe pasqyrimin e tyre në Q.K.B. konform detyrimeve ligjore.

Ju faleminderit !

Konc.Printoi  
Sh.Zyrës Juridike  
Fredë Xhoshi





---

**REPUBLIKA E SHQIPËRISË  
“PORTI DETAR” VLORE SH.A.**

**S T A T U T**  
**I SHOQËRISË ANONIME**  
**“PORTI DETAR” VLORE SH.A.**

**AKSIONER :**  
**MINISTRIA E FINANCAVE DHE EKONOMISË**



**STATUT  
I SHOQËRISË ANONIME  
"PORTI DETAR" VLORË SH.A.**

Në këtë statut:

- "Ligji" është Ligji Nr. 9901, dt. 14.04.2008 "Për tregtarët dhe shoqëritë tregtare";
- "Statuti" është statuti i shoqërisë;
- "Aksionere" janë personat emrat e të cilëve janë të regjistruar në regjistrin e aksioneve të shoqërisë si zotërues të aksioneve.
- "Dite të plota" në lidhje me periudhën e një njoftimi është periudha që nuk e përfshin ditën kur është dhënë ose kur konsiderohet se është dhënë njoftimi dhe ditën për të cilën është dhënë ose hyr në fuqi njoftimi.

**KREU I  
THEMELIMI, EMRI, OBJEKTI, KOHËZGJATJA, SELIA DHE ADRESA E FAQES SË  
INTERNETIT**

**Neni 1: Data e Themelimit, Emri dhe Themeluesit**

- "Porti Detar" Vlorë sh.a. është një shoqëri e themeluar me parë bazuar në dispozitat e ligjit Nr.7926, datë 20.04.1995 "Për transformimin e ndërmarrjeve shtetërore në shoqëri tregtare" të ndryshuar me Dekretin Nr.1195, datë 14.08.1995, Ligjin Nr.8099, datë 28.03.1996, Dekretin Nr.1631, datë 1.11.1996 dhe Ligjin Nr.8158, datë 7.11.1996.
- Më pas në bazë Vendimit Nr.23540 Akti, datë 30.3.2000 të Gjykatës së Rrethit Tiranë, është përcaktuar si aksioner i vetëm ish Ministria e Ekonomisë Publike dhe Privatizimit, ndërsa më pas METE dhe sot Ministria e Financave dhe Ekonomisë me 100 % aksione me kapital shtetëror.
- Emërtimi i shoqërisë është përmirësuar nga SH.A. Porti Detar Vlorë në **"Porti Detar" Vlorë sh.a.**

**Neni 2: Objekti**

Objekti i veprimtarisë së shoqërisë është:

Koordinimi i aktiviteteve tregtare brenda territorit të portit, ndërtim menaxhim, ruajtje e objekteve brenda portit, ngarkim, shkarkim dhe magazinim mallrash për llogari të subjekteve juridik privat dhe shtetëror. Shoqëria brenda caqeve të parashikuara nga legjislacioni në fuqi, do të kryejë cdo operacion tregtar dhe financiar që lidhet drejtpërdrejtë ose tërthorazi me objektin e saj. Kjo përfshin gjithashtu hapjen e veprimeve dhe krijimin e shoqërive të reja, si dhe pjesëmarrjen në kapitalin e shoqërive të tjera jashtë vëndit.

**Neni 3: Kohëzgjatja**

Kohëzgjatja e Shoqërisë do të jetë pa afat



#### **Neni 4: Selia, Adresa e faqes së internetit dhe Adresa Elektronike**

- 1- Selia e Shoqërisë ndodhet në adresën: Lagja "Pavarësia", Skelë Vlorë
- 2- Adresa e faqes së internetit të Shoqërisë është: [www.portivlorë.com](http://www.portivlorë.com)
- 3- Adresa e Shoqërisë për qëllime komunikimi elektronik është si vijon : [info@portivlorë.com](mailto:info@portivlorë.com)

## **KREU II**

### **KAPITALI I REGJISTRUAR**

#### **Neni 5: Vlera dhe Pagesat e Kapitalit të Regjistruar**

(1) Kapitali i regjistruar i shoqërisë është 731.339.000,00 Lekë, i ndarë në aksione të zakonshme me vlerë nominale 1.000,00 secili.

Aksionet e themeluesve në kapitalin e shoqërisë janë në përputhje me kontributin e tyre të mëposhtëm:

**Aksionari themelues është Ministria e Financave dhe Ekonomisë si aksioner i vetëm i shoqërisë.**

Lloji i kontributit: Kapital themeltar dhe vlerë monetare në lekë.

Numri i aksioneve : 731.339,00

Vlera e çdo aksioni :1.000,00 ;

Vlera e kontributit: 731.339.000,00

Kapitali i rregjistruar 731.339.000,00 Lekë

#### **Neni 6: Kërkesa për të paguar aksionet dhe terheqja e aksioneve të papaguara**

(1) Administratori/ët mund t'u kërkojnë aksionarëve pagimin e kontributeve të pashlyera në lidhje me aksionet e tyre dhe çdo aksionar (pas marrjes së njoftimit prej 14 ditësh të plota në të cilin përcaktohet koha dhe vendi i kryerjes së pagesës) i paguan shoqërisë shumën e kërkuar për aksionet e zotëruara. Njoftimi për pagesë mund të parashikojë shlyerjen me këste të kontributeve të papaguara. Personi të cilit i drejtohet njoftimi për pagesën e kontributit do të jetë përgjegjës për njoftimet që i drejtohen atij pavarësisht kalimit të mëparshëm të pronësisë së aksioneve me të cilat lidhet njoftimi për pagesë.

(2) Zotëruesit e përbashkët të një aksioni do të jenë përgjegjës bashkërisht dhe në mënyrë solidare për shlyerjen e kontributeve, sipas njoftimit të mësipërm.

(3) Në rast se pas njoftimit për shlyerjen e kontributeve pagesa përkatëse nuk kryhet brenda afatit të parashikuar, personi përgjegjës për shlyerjen e kontributeve do të paguajë një interes mbi shumën e papaguar me një kamatëvonesë prej 4% në vite duke filluar nga dita e parashikuar për pagesën.

(4) në rast se pas njoftimit për shlyerjen e kontributeve, pagesa përkatëse nuk kryhet brenda afatit të parashikuar administratorët mund të njoftojnë paraprakisht të paktën tridhjetë ditë të plota personin përgjegjës për shlyerjen e kontributeve, duke iu kërkuar pagesën e shumës së pashlyer së bashku me shumën e mundshme shtesë të kamatvonesës. Njoftimi do të përmbajë vendin ku duhet të kryhet pagesa dhe deklarimi se në rastet e moszbatimit të tij, pasojat ligjore do të jenë ato të parashikuara në pikën 2 dhe 3 të nenit 124 të ligjit.

(5) nëse pagesa nuk kryhet brenda afatit të parashikuar në pikën 3 të nenit 124, aksioni me të cilin lidhet njoftimi mund të anulohet me vendim të Administratorëve dhe anulimi do të përfshijë të



gjithë dividendet ose shumat e tjera të pagueshme në lidhje me aksionet e anuluar dhe të papaguara deri në momentin e anulimit.

(6) Anulimi i aksionit sjell zvogëlimin e kapitalit themeltar të Shoqërisë, në përputhje me parashikimin e nenit 186 të Ligjit.

(7) Personi, aksionet e të cilit janë anuluar, humbet cilësinë e aksionerit lidhur me këto aksione por do të jetë përgjegjës ndaj Shoqërisë për të gjitha kontributet që do të shlyeshin nga ky aksionar ndaj shoqërisë në datën e anulimit të aksioneve së bashku me kamatvonesën e llogaritur për këto kontribute përpara anulimit të aksioneve.

#### **Neni 7: Llojet e aksioneve, Obligacioneve, te Drejtave dhe kufizimeve**

- (1) Në përputhje me dispozitat e Ligjit dhe pa cenuar të drejtat që rrjedhin nga aksionet ekzistuese, aksionet e reja mund të emërtohen me të drejtat ose kufizimet e parashikuara në vendimin e Asamblesë së Përgjithshme, të marrë në shumicën e kualifikuar (tre të katërtat) të votave të aksioneve.
- (2) Asambleja e Përgjithshme, me të njëjtën shumicë të kualifikuar votash, mund të vendosë emërtimin e obligacioneve të cilat u garantojnë zotëruesve të tyre të drejtën për ti kthyer në aksione ose të drejtën e parablerjes për aksionet (obligacionet e kthyeshme) dhe obligacionet që bëjnë të mundur pjesëmarrjen e zotëruesve të tyre në ndarjen e fitimeve në dobi të aksioneve (obligacione me pjesëmarrje në fitim)

#### **Neni 8: Certifikatat e aksioneve**

Secili aksionar, që zotëron aksione, ka të drejtën të përfitojë një certifikatë për të gjitha aksionet e cdo klase të zotëruara nga ai, me pagesën e një shume që do të përcaktohet nga Asambleja e Përgjithshme.

Shoqëria nuk është e detyruar të lëshojë më shumë se një certifikatë për aksionet e zotëruara bashkërisht nga disa persona dhe dorëzimi i certifikatës ndaj përfaqësuesit të zotëruesve të përbashkët të aksioneve, me përputhje me pikën 1 të nenit 121 të Ligjit. Emrat e zotëruesve të përbashkët të aksioneve do të renditen në certifikatën e aksionit. Në këtë rast zbatohen dispozitat e pikës 2 të nenit 117 të Ligjit.

#### **Neni 9: Regjistri i aksioneve**

Administratori i mëposhtëm, i caktuar në pikën 3 të nenit 18 të këtij Statuti është përgjegjës për krijimin e funksionimin e regjistrit të aksioneve, në përputhje me nenin 119 të Ligjit, deri në momentin e emërimit nga Asambleja e Përgjithshme e Aksionerëve të ngarkuar me detyrën e mbajtësit së regjistrit të aksioneve.

Emri i Administratorit : Admir Malaj

Afati i emërimit nga 31/10/2016 - 31/10/2019

#### **Neni 10: Kalimi me kontrate i aksioneve**

Kontrata e kalimit të aksionit bëhet me shkrim dhe sipas formaliteteve të përcaktuara nga Administratori përgjegjës për mbajtjen e regjistrit të aksioneve të Shoqërisë dhe do të zbatohet nga dhe për llogari të personit që kalon aksionet ose nga personi i autorizuar prej tij, dhe nga e për



Ilogari të cilit i kalon aksionet ose nga personi i autorizuar prej tij, nëpërmjet regjistrimit e aksioneve të Shoqërisë në përputhje me nenin 119 të Ligjit

### **Neni 11 : Kalimi i Aksioneve me Trashegimi ose falimentim**

- (1) Nëse një aksioner vdes, trashëgimtari ose trashëgimtarët në rastin e bashkëzotërimit të aksioneve, dhe përfaqësuesit e tij, në rastin se ky person ishte zotërues ose trashëgimtar i vetëm, do të jenë personat e vetëm të njohur nga Shoqëria si gëzues të drejtave mbi aksionin e tij, pavarësisht parashikimeve të këtij statuti, pasuria e aksionarit të vdekur nuk clirohet nga përgjegjësia në lidhje me cdo aksion të bashkëzotëruar me persona të tjerë.
- (2) Personi që fiton të drejtën mbi një aksion si pasojë e vdekjes ose falimentimit të një aksionari, pas paraqitjes së provave të kërkuara nga Administratori, mund të zgjedhë të bëhet zotërues i aksioneve ose të kërkojë të bëjë regjistrimin e aksionit në emër të një personi tjetër të caktuar prej tij si përfaqësues i aksionit, ai njofton Shoqërinë në lidhje me këtë zgjedhje. Nëse ky person zgjedh që një person tjetër të regjistrohet si zotërues i aksionit, ai e kalon aksionin në dobi të personit tjetër.
- (3) Personi që fiton të drejtën mbi një aksion si pasojë e vdekjes ose falimentimit të një aksionari gëzon të drejtën që gëzonte zotëruesi i aksionit, duke përjashtuar të drejtën e pjesëmarrjes ose të votës në cdo mbledhje të Asamblesë të Përgjithshme të Shoqërisë ose mbledhjeve të posacme së aksionerëve të cdo klase aksionesh, deri në momentin e regjistrimit të aksioneve të shoqërisë si zotërues i aksionit.

### **Neni 12 : Zmadhimi dhe Zvogelimi i Kapitalit Themeltar**

- (1) Administratori/ët, deri në tre vjet nga data e themelimit të Shoqërisë, mund të rrisin kapitalin themeltar të Shoqërisë deri në shumën pa kufi. Pas përfundimit të kësaj periudhe, kjo e drejtë duhet të rinovohet me shumicën e kualifikuar të votave së Asamblesë së Përgjithshme.
- (2) Kur emërtohen aksione të reja, këto aksione iu ofrohen aksionarëve ekzistues përpara se tu ofrohen aksionarëve të tjerë të rinj, në pajtim me nenin 174 të Ligjit. Aksionet e reja iu ofrohen aksionarëve sipas numrit të aksioneve që zotërojnë përpara ofertës. Oferta që iu bëhet aksionarëve ekzistues duhet të pranohet brenda 20 ditësh.
- (3) Aksionet të cilat, në momentin e miratimit të vendimit të përmendur në pikën 1 të këtij neni, nuk janë pranuar ose nuk është rënë dakort të pranohen nga një aksionar, mund të anulohen dhe kapitali themeltar zvogëlohet në përputhje me vlerën e aksioneve të anuluar.
- (4) Në pajtim me Ligjin, Asambleja e Përgjithshme mund të vendosë zvogëlimin e kapitalit themeltar të Shoqërisë me shumicën e kualifikuar të votave, të përcaktuar në fjalinë e dytë, pika 1 të këtij neni.

## **KREU III ASAMBLEJA E PËRGJITHSHME**

### **Neni 13: Thirrja e Asamblesë së Përgjithshme**

- (1) Asambleja e Përgjithshme thirret nga administratori/ët, të paktën 2 herë në vit. Këshilli Mbikqyrës mund të thërrasë Asamblenë e Përgjithshme në rastet e parashikuara në nenin 136 të Ligjit. Administratori/ët thërrasin menjëherë Asamblenë e Përgjithshme në raste se kërkohet nga aksionerët e përcaktuar sipas pikës 1 të nenit 139 të Ligjit
- (2) Mbledhja e Asamblesë thirret nëpërmjet një njoftimi të dërguar me postë ose postë elektronike (email) drejtuar nga aksionari, përfshirë edhe përfaqësuesin e aksioneve në zotërim të përbashkët. Njoftimi duhet të kryhet të paktën 21 ditë të plota përpara datës së përcaktuar për mbledhjen. Secili



aksionar, së bashku me njoftimin për mbledhjen i dërgohet me numrin PIN për të mundësuar pjesëmarrjen dhe votimin elektronik në mbledhje

- (3) Mbledhjet e Asamblesë së Përgjithshme janë të pavlefshme në rast moskryerje të paqëllimshëm të njoftimit apo mos-marrjes së njoftimit të mbledhjes nga persona të cilët kanë të drejtë të marrin këtë njoftim, me përjashtim të rastit kur Shoqëria provon se personi i ka dhënë Shoqërisë një adresë të pasaktë.

#### **Neni 14 : Mbledhjet e Asamblesë së Përgjithshme**

- (1) Asambleja e Përgjithshme merr vendime të vlefshme vetëm me arritjen e kuorumit të parashikuar nga neni 144 i Ligjit. Aksionerët ose përfaqësuesit e autorizuar mund të marrin pjesë nëpërmjet mjeteve elektronike, përfshirë telekonferencën (Conference call), audio ose audio-video, në përputhje me nenin 142 të Ligjit. Aksionerët që marrin pjesë me mjete komunikimi elektronik kanë të drejtë të votojnë nepermjet numrit PIN që iu është dërguar së bashku me njoftimin për mbledhjen e Asamblesë së Përgjithshme.
- (2) Këshilli mbikqyres cakton një Administrator si Kryetar të mbledhjes si edhe një person për të mbajtur procesverbalin e mbledhjes.
- (3) Nëse asnjë prej Administratorëve nuk dëshiron të caktohet si kryetar i mbledhjes ose asnjë prej Administratorëve nuk është i pranishëm për pesëmbëdhjetë minuta duke filluar nga ora e caktuar për fillimin e mbledhjes, aksionerët e pranishëm dhe me të drejtë vote zgjedhin njërin prej tyre si Kryetar të Mbledhjes.
- (4) Administratori ose anëtari i Këshillit Mbikqyrës, pavarësisht se nuk është aksionar ka të drejtën e pjesëmarrjes si edhe të marrë fjalën në çdo mbledhje të Asamblesë së Përgjithshme dhe në mbledhjet e vecanta të aksionerëve, zotërues të aksioneve të klasave të ndryshme.
- (5) Kryetari me pëlqimin e Asamblesë së Përgjithshme të mbledhur në pajtim me kuorumin e caktuar nga Ligji, mund (dhe është i detyruar nëse kërkohet nga Asambleja e Përgjithshme), të shtyjë mbledhjen e Asamblesë së Përgjithshme, por në mbledhjen e dytë mund të diskutohen vetëm ato çështje të cilat do të ishin diskutuar rregullisht nëse nuk do ishte shtyrë mbledhja e mëparshme. Kur mbledhja e Asamblesë së Përgjithshme shtyhet të paktën katërmëdhjetë dite, njoftimi do të kryhet të paktën shtatë ditë të plota përpara kësaj date dhe në të do të përcaktohet ora dhe vendi i mbledhjes së shtyrë dhe përshkrimi i përgjithshëm i rendit të ditës, në rast të kundërt, dhënia e njoftimit nuk është e nevojshme.
- (6) Asambleja vendos me votim të hapur me përjashtim të rastit kur përpara ose gjatë deklarimit të rezultatit, nuk kërkohet në mënyrën e duhur një votim i fshehtë. Votimi i fshehtë mund të kërkohet nga:
1. Kryetari; ose
  2. Aksionerët që përfaqësojnë të paktën pesë përqind të kapitalit themeltar të Shoqërisë. Kërkesa e bërë nga një përfaqësues i autorizuar i aksionarit ka të njëjtën vlerë me kërkesën e paraqitur nga vetë aksionari.
- (7) Me përjashtim të kundërshtimit të një aksionari, deklarimi i Kryetarit se vendimi është marrë në mënyrë unanime, ose me një shumicë të cilësuar, nuk është miratuar ose nuk është miratuar me një shumicë të caktuar dhe regjistrimi përkates në procesverbalin e mbledhjes, përbën provë përfundimtare të këtij fakti, pa pasur nevojë për numërimin e votave të regjistruara pro ose kundër vendimit.
- (8) Në rast se ka kundërshtime për këtë deklaratë, do të zhvillohet një votim i fshehtë në lidhje me përcaktimin e numërimit të votave pro dhe kundër vendimit



## Neni 15 : Votat e pjesëmarrësve

- (1) Në përputhje me të drejtat ose kufizimet që rrjedhin nga aksionet, cdo aksion i jep aksionerit (në rastin kur është individ) të pranishëm ose përfaqësuesit të tij të autorizuar ose aksionarit (në rastin kur është person juridik) i cili është i pranishëm përmes përfaqësuesit ligjor ose përfaqësuesit të autorizuar në mënyrë të rregullt, të drejtën e një vote.
- (2) Asnjë aksionar nuk voton në mbledhjen e Asamblesë së Përgjithshme apo në mbledhjet e vecanta të zotëruesve të aksioneve të klasave të ndryshme, personalisht ose nëpërmjet përfaqësuesve, në lidhje me aksionet e zotëruara prej tij, nëse nuk ka shlyer tërësisht detyrimet që kanë të bëjnë me këto aksione.
- (3) Çdo kundërshtim në kohë për cilësinë e një votuesi do ti komunikohet Kryetarit, vendimi i të cilit do të jetë pëfundimtar. Të gjitha votat e pakundërshtuara në një mbledhje ose mbledhje të shtyrë do jenë të vlefshme.

## Neni 16 : Votimi me Prokurë

- (1) Përfaqësuesi do të emërtohet nga një pjesëmarrës në mbledhje sipas formulës së mëposhtme (ose në formë të zakonshme apo formën që mund të miratohet nga Administratorët):

“.....Sha .....

Unë/ne i/të nënshkruari/t,....., në cilësinë e aksionarit/aksionerëve të Shoqërisë së lartpërmendur, emëroj/me....., ose në pamundësi të tij,....., në cilësinë e përfaqësuesit/ve tim/tonë për të votuar në emrin tim/tonë dhe në llogarinë time/tonë në mbledhjen e Asamblesë së Përgjithshme të Shoqërisë e cila do të mbahet me .....20.....dhe në cdo mbledhje të shtyrë.

Nënshkruar më .....20.....

- (2) Në rastet kur dëshirohet tu jepet aksionarëve mundësia për ta udhëzuar përfaqësuesin për mënyrën e votimit, caktimi i përfaqësuesit bëhet sipas formës së mëposhtme (ose në formën e zakonshme apo formën që mund të miratohet nga Administratorët):

“.....SHA.....

Unë/Ne i/të nënshkruari/t, ....., në cilësinë e aksionarit/ aksionarëve të Shoqërisë së lartpërmendur, emëroj-më....., ose në pamundësi të tij,....., në cilësinë e përfaqësuesit/ve tim/tonë për të votuar në emer/emrat tim/tonë dhe në llogarinë time/tonë në mbledhjen e Asamblesë së Përgjithshme të Shoqërisë e cila do të mbahet me .....20....., dhe në cdo mbledhje të shtyrë.

Kjo formë do të përdoret për vendimet e përmendura më poshtë:

vendimi nr.1 pro kundër

vendimi nr.2 pro

Përveç udhëzimeve të tjera, përfaqësuesi mund të votojë ose abstenojë, sic e quan të arsyeshme  
Nënshkruar më .....20.....”

- (3) Caktimi me shkrim i përfaqësimit ose një kopje e autorizuar apo e miratuar nga administratorët depozitohet në selinë e Shoqërisë ose në një vend tjetër brenda territorit të Republikës së Shqipërisë, sic përcaktohet në njoftimin për mbledhjen e Asamblesë së Përgjithshme ose në fletën për të caktuar një përfaqësues të dërguar nga Shoqëria në lidhje me mbledhjen e Asamblesë së Përgjithshme. Akti i emërimit të përfaqësuesit duhet të depozitohet jo më vonë se 48 orë përpara orës së mbledhjes ose mbledhjes së shtyrë, në të cilën duhet të votojë përfaqësuesi.
- (4) Në rast se akti i emërimit të përfaqësuesit jepet nëpërmjet komunikimit elektronik të dërguar në adresën elektronike (email) sipas përcaktimeve të nenit 4. Paragrafi 3, i këtij Statuti, ky akt duhet të



merret jo më vonë se 48 orë përpara orës së mbledhjes ose mbledhjes së shtyrë në të cilën duhet të votojë përfaqësuesi

#### **Neni 17 : Emërimi i Eksperteve Kontabël të Autorizuar**

- (1) Me propozim të Këshillit Mbikqyrës, Asambleja e Përgjithshme cakton një ose më shumë persona fizik ose një shoqëri ekspertësh kontabël të autorizuar si ekspert kontabël të shoqërisë për tre vjet me rradhë, në pajtim me shkronjën “ç”, pika 2 e nenit 135 të Ligjit. Emërimi bëhet nëpërmjet një vendimi të Asamblesë së Përgjithshme të marrë me shumicë të zakonshme, i cili nëse miratohet, sjell emërimin e personit të propozuar si ekspert kontabël të autorizuar të Shoqërisë.
- (2) Gjatë mandatit të tyre, ekspertët kontabël të autorizuar mund të largohen nga detyra vetëm për shkaqe të arsyeshme. Mendimet e ndryshme për metodat e kontabilitetit apo procedurat e kontrollit nuk përbejnë shkaqe të arsyeshme për largimin e ekspertëve kontabël të autorizuar.
- (3) Eksperti Kontabël i Autorizuar ose shoqëria e Ekspertëve Kontabël të Autorizuar raporton Këshillit Mbikqyrës në përputhje me pikën 3 të nenit 20 të këtij Statuti, për çështjet kryesore që rezultojnë nga kontrolli financiar në vecanti, për dobësi të kontrollit të brendshëm në lidhje me procesin e raportimit financiar.

### **KREU IV ADMINISTRATORËT E SHOQËRISË**

#### **Neni 18: Kompetencat e Administratorëve**

- (1) Asambleja e Përgjithshme e Aksionerëve zgjedh një ose më shumë persona fizik si Administratorë të Shoqërisë për një periudhë tre vjecare, në pajtim me pikën 2 të nenit 135, pikën 2 të nenit 167 dhe nenit 158 të Ligjit. Emërimet do të jenë individuale dhe sipas një vendimi të Këshillit Mbikqyrës sipas pikës 4 të nenit 127 të Statutit, i cili, nëse miratohet, sjell emërimin e personit të propozuar si Administrator të Shoqërisë. Këshilli Mbikqyrës mund të shkarkojë në cdo kohë Administratorin/ët nga detyra, pa cënuar të drejtat që burojnë nga një kontratë pune e lidhur me shoqërinë.
- (2) Anëtarët e Këshillit Mbikqyrës nuk mund të caktohen si Administratorë, kufizime të tjera lidhur me emërimin e Administratorëve parashikohen në pikën 2 të nenit 158 të Ligjit.
- (3) Personat e mëposhtëm caktohen si Administratorët e parë të Shoqërisë deri në emërimin e tyre nga mbledhja e parë e Këshillit Mbikqyrës të zgjedhur nga Asambleja e Përgjithshme.

Të dhënat e identifikimit:  
(mbiemri, emrat, adresat):

Admir Malaj

Adresa : Lagja “Lef Sallata”, Rruga “Aranit Serbi”, Pallati 1319, Vlorë.

- (4) Administratori Admir Malaj do të caktohet si Kryetar i mbledhjes së Administratorëve.



## **Neni 19: Kompetencat e Administratorëve**

- (1) Politikat tregtare të Shoqërisë do të administrohen dhe shoqëria do të përfaqësohet nga Administratorët të cilët mund të ushtrojnë të gjitha kompetencat e tyre në përputhje me parashikimet e pikës 2 të nenit 167, shkronja "a", "g", "h", dhe "i", të pikës 1 të nenit 154, dhe pikave 3 dhe 5 të nenit 158 të Ligjit. Detyrat e Këshillit Mbikqyrës, në përputhje me parashikimet e pikës 1 të nenit 167 dhe shkronjave "b", "c", "ç", "d", "dh", "e", "ë", "f", "g", dhe "i", të nenit 154 të Ligjit nuk mund t'u delegohet Administratorëve.
- (2) Ndryshimet e Statutit nga Asambleja e Përgjithshme dhe të udhëzimeve të Këshillit Mbikqyrës nuk do të shfuqizojnë akte të mëparshme të Administratorëve, të cilat do të ishin të vlefshme nëse ndryshimi nuk do të ishte kryer ose udhëzimi nuk do të ishte dhënë.

## **Neni 20 : Perfundimi i Mandatit të Administratorit**

- (1) Detyra e Administratorit përfundon në rast se:

1-Personi nuk është me administrator në bazë të dispozitave të ligjit përfshirë shkarkimin nga Këshilli Mbikqyrës në pajtim me pikën 2 të nenit 167, dhe shkronjën "g" të pikës 2 të nenit 135 të Ligjit.

2-Personi ndodhet në gjëndje paaftësie paguese.

3-Personi vuan ose mund të vuaj nga crregullime mendore.

4-Personi jep dorëheqjen nga detyra duke njoftuar shoqërinë, ose ka munguar për më shumë se gjashtë muaj radhazi pa lejen e Këshillit Mbikqyrës në mbledhjen e Administratorëve të mbajtura gjatë kësaj periudhe dhe Këshilli Mbikqyrës vendos ta shkarkojë nga detyra.

## **Neni 21: Mbledhja e Administratorëve**

- (1) Mbledhja e Administratorëve do të mbahen sipas nevojave të aktivitetit tregtar të Shoqërisë.
- (2) Vendimet e mbledhjes së Administratorëve merren me kuorumin e votave që mund të përcaktohet nga Administratoret, dhe në rast se ky kuorum është përcaktuar ai do të jetë dy.
- (3) Këshilli Mbikqyrës cakton njërin prej administratorëve me detyrën e Kryetarit të mbledhjes së Administratorëve, i cili mund të shkarkohet në çdo kohë nga kjo detyrë. Kryetari do të drejtojë çdo mbledhje të Administratorëve në të cilat është i pranishëm. Në rast se Kryetari nuk dëshiron të drejtojë mbledhjen apo nuk është i pranishëm brenda pesë minutave nga ora e caktuar për mbledhjen, Administratorët e pranishëm mund të emërojnë njërin prej tyre si Kryetar të mbledhjes.
- (4) Çështjet e rendit të ditës vendosen me shumicë të votave të pjesëmarrësve. Në rast numri të barabartë votash, vota e Kryetarit do të jetë vendimtare.
- (5) Të gjitha aktet e kryera nga Mbledhja e Administratorëve ose nga persona të cilët veprojnë si Administratorë, pavarësisht nëse bëhet e ditur më vonë se ka pasur mangësi në emërimin e një Administratori ose njëri prej tyre është ka qënë i skualifikuar nga mbajtja e kësaj detyre, ose kishin të drejtë të votonin, do të konsiderohen të vlefshme njëllë sikur këta persona të ishin emëruar rregullisht dhe të ishin cilësuar e të vazhdonin detyrën si Administratorë dhe të kishin të drejtë të votonin në mbledhje.
- (6) Vendimi me shkrim i nënshkruar nga të gjithë Administratorët që kanë të drejtë të njoftohen për mbledhjen e Administratorëve do të konsiderohet si i vlefshëm dhe i efektshëm njëllë si të ishte miratuar në mbledhjen e Administratorëve, të mbledhur dhe të zhvilluar rregullisht.



## **Neni 22: Kufizimet ne Votimet e Administratoreve.**

- (1) Administratorët nuk do të lidhin marrëveshje ose votojnë në mbledhjen e Administratorëve për çështje në të cilat këta anëtar kanë, direkt ose indirekt, një interes apo detyrim i cili është material, në kundërshtim ose mund të jetë në kundërshtim me interesat e Shoqërisë, në pajtim me nenin 13 të Ligjit, deri në momentin kur në mbledhjen e Këshillit Mbikqyrës, të gjithë anëtarët kanë rënë dakort që:
  - 1-Të autorizojë lidhjen e kësaj marrëveshje dhe
  - 2-Të autorizojë këtë anëtar që të votojë në lidhje me këtë çështjeAutorizimi mund të jetë i përgjithshëm ose i posacëm për një çështje të caktuar. Zbatohet përshkrimi i pikës 2 dhe 5 të nenit 13 të Ligjit.
- (2) Vota e Administratorit nuk do të llogaritet në kuorumin e pjesëmarrësve në mbledhje në lidhje me vendimin për të cilin ky anëtar nuk ka të drejtë të votojë.
- (3) Në rast se në mbledhjen e administratorëve diskutohet një çështje e lidhur me të drejtën e votës së një anëtarit të tij, çështja mund ti drejtohet Kryetarit të mbledhjes. Përpara përfundimit të mbledhjes, dhe vendimi i tij i lidhur me cdo Administrator të ndryshëm nga ai vetë do të jetë përfundimtar dhe i formës së prerë.

## **Neni 23: Procesverbalet e Mbledhjeve të Administratorëve**

Administratorët kujdesen që në libra të posacëm të mbahen procesverbalet e :

- 1-Të gjitha takimeve të kryera nga Administratorët, dhe
- 2-Të gjitha mbledhjeve të Asamblesë së Përgjithshme, mbledhjet e zotëruesve të aksioneve të klasave të ndryshme ose mbledhjen e Këshillit Mbikqyrës në të cilat kanë marrë pjesë Administratorët dhe mbledhjen e administratorëve, përfshirë edhe emrat e Administratorëve të pranishëm në këtë mbledhje.

## **KREU V**

### **KESHILLI MBIKQYRES**

## **Neni 24: Emërimi i Anëtarëve të Këshillit Mbikqyrës**

- (1) Asambleja e Përgjithshme emëron të paktën tre ose më shumë persona fizik, gjithmonë në një numër tek jo më të madh se 21, në cilësinë e anëtarëve të Këshillit Mbikqyrës në përputhje me shkronjën "c" të pikës 2 të nenit 135, pikës 4 të nenit 167 dhe pikës 2 të nenit 155 të Ligjit. Emërimet do të jenë individuale dhe në përputhje me vendimin e mbledhjes së Asamblesë së Përgjithshme të marrë me shumicë votash, i cili nëse miratohet, sjell emërimin e personit të propozuar si anëtar të Këshillit Mbikqyrës. Anëtarët e Këshillit Mbikqyrës mund të shkarkohen nga detyra në cdo kohë nga Asambleja e Përgjithshme, pa cënuar të drejtat që burojnë nga një kontratë pune e lidhur me shoqërinë.
- (2) Nuk mund të zgjidhen në cilësinë e anëtarit të Këshillit Mbikqyrës, Administratorët e Shoqërisë dhe të Shoqërisë së të njëjtit grup apo personat e lidhur me ta në përputhje me parashikimet e pikës 3 të nenit 13 të Ligjit. Kufizimet e tjera për emërimin e anëtarëve të Këshillit Mbikqyrës parashikuar në nenin 156 të Ligjit.
- (3) Shumica e anëtarëve të Këshillit Mbikqyrës duhet të jenë të pavarur sipas parashikimeve të pikave 1 dhe 4 të nenit 155 të Ligjit.



- (4) Këshilli Mbikqyrës mund të emërojë një person i cili dëshiron të ushtrojë detyrën e anëtarit të Këshillit Mbikqyrës për të plotësuar një vend të lirë ose si një anëtar tjetër shtesë, me kushte që të mos tejkalohet numri i anëtarëve të përcaktuar të pikës 1 të këtij neni. Kohëzgjatja në detyrë e anëtarit të emëruar në këtë mënyrë është deri në mbledhjen vjetore vijuese të Asamblesë së Përgjithshme.
- (5) Personat e mëposhtëm emërohen si anëtar të Këshillit Mbikqyrës :

**Gelardina Prodani**, me adresë pranë Ministrisë së Financave dhe Ekonomisë.

**Nada Zaimi**, me adresë pranë Ministrisë së Infrastrukturës dhe Energjisë.

**Arvid Uruçi**, me adresë pranë Ministrisë së Financave dhe Ekonomisë.

#### **Neni 25: Kompetencat e Këshillit Mbikqyrës**

1. Këshilli Mbikqyrës ushtron kontroll të vazhdueshëm ndaj Administratorit për administrimin e shoqërisë nga ana e tyre. Ai u jep këtyre të fundit autorizimin për të kryer operacione që nuk mund të kryhen nga Administratori pa autorizimin e Këshillit Mbikqyrës.
2. Këshilli Mbikqyrës ka të drejtë të verifikojë dhe kontrollojë në çdo kohë dokumentacionin që e gjykon të nevojshëm për përmbushjen e gjithë detyrave të tij.
3. Këshilli Mbikqyrës përcakton numrin e administratorëve, i emëron dhe shkarkon ata me shumicë të thjeshtë votash dhe ndan kompetencat ndërmjet tyre.
4. Këshilli Mbikqyrës ose Asambleja e Përgjithshme mund të shkarkojë në çdo kohë secilin prej administratorëve me shumicë të thjeshtë votash.
5. Me emërimin e administratorëve, Këshilli Mbikqyrës lidh kontratë me ta për detyrimet që rrjedhin për administrimin e shoqërisë.
6. Në çdo tre muaj, në mënyrë të përmblodhur, informon Ministrinë e Zhvillimit Ekonomik, Turizmit, Tregtisë dhe Sipërmarrjes, për përmbushjen e programeve dhe problemet e paraqitura. Verifikon dhe kontrollon, llogaritë vjetore dhe raportet përkatëse të ekspertit kontabël të autorizuar.
7. Këshilli Mbikqyrës, në përputhje me aktet ligjore në fuqi, miraton shpërblimin e punonjësve të shoqërisë dhe shqyrton e miraton propozimet për sponsorizime që i paraqiten nga Administratori
8. Këshilli Mbikqyrës përcakton vlerën e kontratave për të cilën Administratori është i detyruar të marrë autorizimin e Këshillit Mbikqyrës.
9. Këshilli Mbikqyrës kujdeset që shoqëria të respektojë ligjin dhe standardet e kontabilitetit, si dhe siguron që pasqyrat financiare, raportet e ecursisë së veprimtarisë si dhe detyrimet e tjera të raportimit dhe publikimit, të detyrueshme në bazë të ligjit apo statutit, të kryhen me saktësi nga administratorët.
10. Këshilli Mbikqyrës i propozon Ministrit të Zhvillimit Ekonomik, Turizmit, Tregtisë dhe Sipërmarrjes lidhur me këto çështje:

-Përcaktimin dhe ndryshimin e programit të veprimtarisë afatshkurtër, afatmesëm dhe afatgjatë të shoqërisë.

-Kryerjen e investimeve dhe financimeve për vitin financiar si dhe masat që do të kërkonin ndryshimin e kapitalit themeltar të shoqërisë.

-Shitjen e pasurive që përbëjnë aktivin e qëndrueshëm të shoqërisë.

-Themelimin e shoqërive tregtare/grupeve të reja dhe/ose pjesëmarrjen në kapitalin e shoqërive të tjera vendase ose të huaja.

-Marrjen e huave afatmesme dhe afatgjatë.



-Si dhe për çdo çështje tjetër që në bazë të Ligjit "Për tregtarët dhe shoqëritë tregtare" është kompetencë e Asamblesë së Përgjithshme.

## **Neni 26: Perfundimi Mandatit të Anëtarit të Këshillit Mbikqyrës**

(1) Detyrat e anëtarit të Këshillit Mbikqyrës përfundon në rast se:

- 1-Personi pushon së qeni anëtar i Këshillit Mbikqyrës në bazë të dispozitave të Ligjit duke përfshirë parashikimet e pikës 4 të nenit 167 dhe nenit 157
- 2-Personi ndodhet në gjëndje paaftësie paguese
- 3-Personi vuan ose mund të vuaj nga çrregullime mendore
- 4-Personi jep dorëheqjen nga detyra duke njoftuar shoqërinë, ose
- 5-Ka munguar për më shumë se gjashtë muaj radhazi pa lejen e anëtarëve të tjerë të Këshillit Mbikqyrës në mbledhjet e këtij Këshilli të mbajtura gjatë kësaj periudhe dhe Asambleja e Përgjithshme, me propozim të Këshillit Mbikqyrës, vendos ta shkarkojë nga detyra.

## **Neni 27: Mbledhjet e Këshillit Mbikqyres**

(1) Mbledhjet e Këshillit Mbikqyres do të mbahen të paktën dy herë në vit sipas nevojave të aktivitetit tregtar të Shoqërisë, derisa Asambleja e Përgjithshme të vendosë me shumicë të zakonshme votash mbi shpeshtësinë e ketyre mbledhjeve.

(2) Vendimet e Këshillit Mbikqyres merren me kuorumin e përcaktuar në piken 5 të nenit 167 dhe nenit 162 të Ligjit. Anëtarët e Këshillit të Administrimit mund të marrin pjesë në mbledhje nëpërmjet mjeteve elektronike të komunikimit përfshirë komunikimin video dhe audio konferencë. Ata mund të marrin pjesë në votime duke përdorur numrin PIN të lëshuar çdo anëtar në momentin e emërimit.

(3) Anëtarët e Këshillit të Administrimit emërojnë njërin prej tyre si Kryetar të mbledhjes, i cili mund të shkarkohet në çdo kohë nga kjo detyrë. Kryetari do të drejtojë çdo takim të Këshillit Mbikqyres në të cilin ai është i pranishëm. Në rast se Kryetari nuk dëshiron të drejtojë mbledhjen apo nuk është i pranishëm brenda pesë minutave nga orari i caktuar për mbledhjen, anëtarët e Këshillit Mbikqyres mund të emërojnë njërin prej tyre si Kryetar të mbledhjes.

(4) Çështjet e rendit të ditës vendosen me shumicën e votave të pjesëmarrësve. Në rast numri të barabartë votash, vota e Kryetarit do të jetë vendimtare.

(5) Të gjitha aktet e kryera nga mbledhja e Këshillit Mbikqyres, ose komitetet e anëtarëve të Këshillit Mbikqyres, ose nga persona të cilët veprojnë si anëtarë të Këshillit Mbikqyres, pavarësisht nëse bëhet e ditur më pas se emërimi i anëtarit të Këshillit Mbikqyres ka pasur mangësi ose këta anëtarë janë skualifikuar nga mbajtja e kësaj detyre, ose nuk kishin të drejtë të votonin, do të konsiderohen të vlefshme njëllë sikur këta persona të ishin emëruar rregullisht dhe të ishin cilësuar e të vazhdonin detyrën si anëtarë të Këshillit Mbikqyres dhe të kishin të drejtë të votonin në mbledhje.

(6) Vendimi me shkrim i nënshkruar nga të gjithë anëtarët e Këshillit Mbikqyres që kanë të drejtë të njoftohen për mbledhjen e Këshillit Mbikqyres ose të komitetit të anëtarëve të Këshillit Mbikqyres të mbledhur dhe të zhvilluar rregullisht

## **Neni 28: Kufizime për Votimin e Anëtarëve të Këshillit Mbikqyres**

- (1) Anëtarët e Këshillit Mbikqyrës nuk do të lidhin marrëveshje ose votojnë në Mbledhjen e Këshillit Mbikqyrës, ose të komitetit të Këshillit Mbikqyrës mbi çështje për të cilat këta anëtarë kanë, direkt ose indirekt, një interes apo detyrim i cili është material, që është ose



mund të jetë në kundërshtim me interes e Shoqërisë, në pajtim me nenin 13 të Ligjit. Deri në momentin kur në mbledhjen e Këshillit Mbikqyrës, të gjithë anëtarët kanë rënë dakort që:

1-Të autorizojnë lidhjen e kësaj marrëveshje dhe

2-Të autorizojnë këtë anëtar që të votojë në lidhje me këtë çështje.

Autorizimi mund të jetë i përgjithshëm ose i posaçëm për një çështje të caktuar. Zbatohet parashikimi i pikave 2 dhe 5 të nenit 13 të Ligjit.

(2) Vota e anëtarit të Këshillit Mbikqyrës nuk do të llogaritet në kuorumin e pjesëmarrësve në mbledhje në lidhje me vendimin për të cilin ky anëtar nuk gezon të drejtën e votës.

(3) Në rast se në Mbledhjen e Këshillit Mbikqyrës diskutohet një çështje e lidhur me të drejtën e votës së një anëtarit të tij, çështja mund ti drejtohet Kryetarit të mbledhjes, përpara përfundimit të mbledhjes dhe vendimi i tij lidhur me çdo anëtar të Këshillit Mbikqyrës të ndryshëm nga ai vetë do të jetë përfundimtar.

## **Neni 29: Proçesverbalet e Këshillit Mbikqyrës**

Këshilli Mbikqyrës është përgjegjës për mbajtjen në libra të posaçëm të proçesverbaleve:

1-Të gjitha takimeve të Këshillit Mbikqyrës dhe ,

2-Të gjitha mbledhjeve të Këshillit Mbikqyrës dhe komiteteve të tij, përfshirë edhe emrat e Administratorëve të pranishëm në çdo mbledhje.

## **Neni 30: Shpërblimi i anëtarëve të Këshillit Mbikqyrës**

Shpërblimi i anëtarëve të Këshillit Mbikqyrës do të bëhet në përputhje me kriteret e përcaktuara në Vendimin e Këshillit të Ministrave.

## **Neni 31: Hetimet e posacme dhe Mbikqyrja**

Cdo person ose personat që plotësojnë kushtet për të kërkuar emrin ose zëvendësimin e një eksperti të posaçëm në bazë të nenit 150 të Ligjit ose për të kërkuar nga Këshilli Mbikqyrës që të kryej detyrat e tij në raste të vecanta të parashikuara nga pika 2 e nenit 166, dhe neni 165 i Ligjit, depozitojnë në selinë e shoqërisë dokumentin e noterizuar i cili vërteton se ky/këta persona plotësojnë kushtet për të kryer këtë veprim

## **Kreu VI**

### **Dividendët dhe Kalimi i Fitimeve në Kapitalin Themeltar**

#### **Neni 32: Dividentët**

(1) Në përputhje me dispozitat e Ligjit, shoqëria me shumicë të zakonshme të votave së Asamblesë së Përgjithshme mund të deklarojë dividendët në përputhje me të drejtat përkatëse të aksionarëve.

(2) Me përjashtim të rasteve kur parashikohet ndryshe nga të drejtat që lidhen me aksionet, të gjithë dividendët deklarohen dhe paguhën në përputhje me shumat e paguara për aksionet për të cilët paguhet dividendi. Të gjithë dividendët pjesëtohen dhe paguhën në përpjesëtim të drejtë me shumat e paguara për aksionet, pjesës ose pjesëve të periudhës për të cilën paguhet dividendi; në rast se aksioni emetohet me kushtin e përfitimit të dividendit nga një datë e caktuar, dividendi do të paguhet në përputhje me këtë kusht.



(3) Asnjë dividend ose pagesë në para që lidhet me një aksion nuk prodhon interesa kundrejt shoqërisë nëse një gjë e tillë nuk parashikohet në të drejtat e aksionit.

(4) Çdo dividend që nuk është kërkuar të paguhet brenda dymbëdhjetë vjetëve nga data e maturimit, në rast se vendoset nga Asambleja e Përgjithshme, do të përfitohet nga shoqëria e cila nuk do të jetë më e detyruar që ta paguajë atë.

### **Neni 33: Kalimi i Fitimeve në Kapitalin Themeltar**

Administratorët, pas vendimit të marrë nga Asambleja e Përgjithshme me shumicë të kualifikuar votash sipas kuorumit të përcaktuar nga neni 145 i Ligjit, mund të vendosë të kalojë në kapitalin themeltar të Shoqërisë fitimet e paspërndara të cilat nuk do të përdoren për të paguar dividendë preferencialë apo shuma të tjera të parashikuara për rezerva ligjore ose kapitali.

## **KREU VII**

### **PRISHJA DHE NJOFTIMET**

#### **Neni 34: Prishja dhe likuidimi**

Në rast të likuidimit të Shoqërisë, likuiduesi, në përputhje me Ligjin dhe me vendimin e posaçëm të Asamblesë së Përgjithshme të marrë me shumicë të kualifikuar, mund të shpërndajë në dobi të aksionarëve të gjithë ose një pjesë të vlerës së pasurive të Shoqërisë dhe për këtë qëllim, mund të vlerësojë çdo pasuri dhe të përcaktojë mënyrën e shpërndarjes midis aksionarëve ose atyre që zotërojnë aksione të klasave të ndryshme të Shoqërisë.

#### **Neni 35: Njoftimet**

- (1) Njoftimet e kryera nga cdo person sipas parashikimeve të Statutit, duhet të jenë me shkrim ose nëpërmjet komunikimeve elektronike në adresën e parashikuar në pikën 3 të nenit 4 të këtij Statuti, janë të vlefshme në lidhje me kohën e njoftuar për këtë qëllim dhe personin që kryen njoftimin
- (2) Shoqëria mund ti jap njoftim një aksionari, personalisht ose duke dërguar me letër porosi me kthim përgjigje në adresën e regjistruar të aksionarit ose në adresën apo postën elektronike e cila i është njoftuar Shoqërisë nga aksionari. Kur ka disa bashkëzotërues të një aksioni, të gjitha njoftimet i jepen përfaqësuesit të tyre të përbashkët.
- (3) Ky Statut së bashku me ndryshimet dhe të gjitha dokumentet, raportet, komunikimet dhe procesverbalet e dhëna nga Shoqëria do të publikohen nga administratorët në faqen e internetit të shoqërisë, sipas parashikimeve të pikës 2 të nenit 4 të këtij Statuti.

#### **Neni 36: Asambleja e Përgjithshme**

Të gjitha kompetencat e Asamblesë së Përgjithshme të parashikuara nga ligji Nr. 9901, datë 14.04.2008 "Për tregtarët dhe shoqërisë tregtare", që nuk janë shprehur në këtë statut, ushtrohen nga Ministri i Zhvillimit Ekonomik, Turizmit, Tregtisë dhe Sipërmarrjes me cilësinë e aksionarit të vetëm.

#### **Neni 37**



Për çfarë nuk është shprehur në këtë statut, zbatohen dispozitat e legjislacionit në fuqi për shoqëritë tregtare.

**Emrat dhe nënshkrimi i Aksionerëve Themelues:**

**Në cilësinë e aksionerit të vetëm të shoqërisë.  
MINISTRIA E FINANCAVE DHE EKONOMISË**

**Arben Ahmetaj  
Ministër**

